

28-02-2026

**आकाशवाणी**

खबरां विजय बजाज कोला,

खास-खास खबरां:-

1. प्रधानमंत्री नरेन्द्र मोदी अज्ज राजस्थान दे अजमेर च 14 बरें धोड़ी दी उम्मी दियें कुड़ियें लेई राष्ट्र व्यापी HPV टीकाकरण कार्यक्रम दा शुभारम्भ करडन।
2. प्रधानमंत्री मोदी अज्ज गुजरात दे दौरे दरान साणंद च माइक्रोन टैक्नोलॉजी दी भलेआं आधुनिक सेमीकंडक्टर- ATMP सुविधा दा उदघाटन करडन।
3. सी.बी.आई नै दिल्ली हाई कोर्ट च याचिका दायर करियें आम आदमी पार्टी दे राष्ट्री कन्वीनर अरविंद केजरीवाल ते होरनें गी दिल्ली आबकारी नीति भ्रष्टाचार मामले च बरी कीते जाने दे फैसले गी चुनौती दिती ऐ।
4. सुप्रीम कोर्ट दे हुक्म मगरा अज्ज चुनांस कमीशन पच्छिम बंगाल दी अधूरी खीरी मतदाता सूचियें गी प्रकाशित करोग।
5. अमरीकी राष्ट्रपति डोनाल्ड ट्रम्प होरें क्यूबा पर लागू कीती गेदी सख्त ईंधन नाकाबांदी दे दरम्यान दोस्तानां ढंगे कन्ने क्यूबा गी अपने इखतेयार हेठ लैने दी सारत दिती ऐ।
6. आई.सी.सी. टी-20 क्रिकेट विश्व कप च इंग्लैंड नै कल रातीं कोलम्बो च खेडटे गेदे सुपर-8 दे ग्रुप-2 दे मुकाबले च न्यूजीलैंड गी 4 विकेटें कन्ने हराई दिता।

<><><><><><>

**PM -HPV**

प्रधानमंत्री नरेन्द्र मोदी अज्ज राजस्थान दे अजमेर च 14एं बरे धोड़ी दी उम्मी दियें कुड़ियें लेई राष्ट्रव्यापी Human Papilloma Virus –HPV टीकाकरण कार्यक्रमें दा शुभारम्भ करडन। इस कार्यक्रम दा लक्ष्य हर बरे सबनें राज्यें ते केन्द्र शासत प्रदेशें च 14एं बरें तोड़ी दी लगभग इक करोड़ 15 लक्ख कुड़ियें दा टीकाकरण करना ऐ। एह टीका सरकारी सेहत केन्द्रें पर मुफ्त उपलब्ध कराया जाहग। एह टीकाकरण आयुष्मान आरोग्य मंदरें-सामुदायिक सेहत केन्द्रें, जिला ते उप-जिला अस्पतालें दे कन्ने सरकारी मैडिकल कालजें ते अस्पतालें च बी कीता जाहग। इस टीकाकरण शा पैहले कुड़ियें दे माता-पिता जां अभिभावकें थमां इजाजत लैती जाहग। ध्यानजोग ऐ जे सरवाईकल कैंसर, देशें च महिलायें च दुआ सबनें शा बड्डा आम कैंसर ऐ। हर बरे एहदे च इक लक्ख 20 ज्हार शा मते नमें मामलें सामने औंदे न ते तकरीबन 80 ज्हार लोकें दी एहदे करी मौत होई जंदी ऐ।

<><><><><><>

**IMA-HPV**

इंडियन मैडिकल एसोसिएशन –IMA नै देश भरै च 14ए बरें धोड़ी दी किशोरियें गी मुफ्त HPV टीकाकरण उपलब्ध कराने दे केन्द्र सरकार दे फैसले दा सोआगत कीता ऐ। प्रधानमंत्री नरेन्द्र मोदी होरें गी लिक्खी दी चिट्ठी च IMA नै आखेआ ऐ जे एह पैहलकदमी सरवाईकल कैंसर दी रोकथाम च बड़ी महत्वै आली भूमिका निभाग ते देशें दियें लक्खां बद्धी महिलायें दी सेहत ते जीवन दी सुरक्षा जकीनी बनाग। IMA नै अपनी चिट्ठी च इब्बी लिखेआ ऐ जे देश भरै च अपनी 18 सौ शा मती मकामी शाखें दे राहें ओह इस राष्ट्री मिशन गी कामयाब बनाने आस्तै पूरी चाल्ली वचनबद्ध ऐ।



#### **PM -HVP JK**

राष्ट्रीय स्तर दे इस अभियान गी जम्मू-कश्मीर च लागू करने लेई सब्बै 20 जिलें पूरी चाली त्यार न ते लोड़चदे सब्बै बंदोबस्त करी लैते गेदे न। सेहत मैहकमे दे कमीशनर सैक्रेटरी एम. राजू होरें जंदे रोज इस अभियान दे कार्यबल दी इक बैठक दी अध्यक्षता कीती/ जेहदे च केन्द्र शासत प्रदेश दे इक लक्ख 35 जहार लाभार्थियें गी 100 फीसद एदे दायरे हेठ आहन्ना यकीनी बनाने पर चर्चा कीती गई। टीकाकरण अज्जै थमां निर्धारत सरकारी सेहत केन्द्रें च शुरु होई जाग।



#### **PM –Gujrat**

प्रधानमंत्री नरेन्द्र मोदी अज्ज दपैहरी गुजरात दा दौरा करडन। अपने दौरै दौरान श्री मोदी साणंद च माइक्रोन टेक्नोलॉजी दी भलेआं आधुनिक सेमीकंडक्टर असैम्बली- टेस्ट ते पैकेजिंग –ATMP सुविधा दा उदघाटन करगंन। एह ऐतिहासक मौका भारत च बनाए गेदे पैहले “मेक इन इंडिया” सैमीकंडक्टर मेमोरी मॉड्यूल दे कारोबारी उत्पादन ते शिपमेंट दी औपचारिक शुरुआत दा प्रतीक ऐ। इस मौके पर केन्द्री इलैक्ट्रानिक्स ते सूचना टेक्नोलॉजी मंत्री अश्विनी वैष्णव बी उत्थे मौजूद रौहडन।



#### **CBI -Kejriwal**

केन्द्री तफ्तीशी ब्यूरो-सी.बी.आई नै दिल्ली शराब नीति च भ्रष्टाचार आहले मामले च आम आदमी पार्टी दे राष्ट्री संयोजक अरविंद केजरीवाल- पार्टी दे लीडर मनीष सिसोदिया ते होरनें गी बरी कीते जाने गी चुनौती देने लेई दिल्ली हाई कोर्ट च याचिता दायर कीती ऐ। एदे कोला पैहले कल्ल दिल्ली दी इक्क अदालत नै इस मामले च अरविंद केजरीवाल, मनीष सिसोदिया ते के.कविता हुंदे समेत सबनें 23 आरोपियें गी बरी करी दिता ऐ। सी.बी.आई दा आखना ऐ जे हेठली अदालत नै जांच दे केई महत्वै आहले पैहलुएं गी नजरअंदाज कीता ऐ ते सबूतें पर विचार नेई कीता।



## ECI

सुप्रीम कोर्ट दे आदेश मगरा अज्ज चुना कमीशनर पच्छिम बंगाल दी अदूरी खीरी मतदाता सूचियें गी प्रकाशित करोग। इस सूची च उ'नें मतदाताएं दे नां बी शामिल होगन- जिंदे पंछान-पत्रें दी तस्दीक मतदात सूचियें दी विशेष नजरसानी आहली प्रक्रिया दे तैहत कीती गई ही। मसौदा सूची च तकरीबन 7 करोड़- 8 लख मतदाताएं दे नांs होगन- जेड़े खीरी सूची च बी होगन। हालांकि इस सूची गी बक्ख-बक्ख श्रेणियें च तकसीम कीता जाग।



## Trump- Cuba

अमरीका दे राष्ट्रपति डोनाल्ड ट्रम्प होरें दोस्ताना तरीके कन्नै क्यूबा गी अपने इख्तेयार हेठ लेई लैने दी सारत दिती ऐ। एह ब्यान नेह समें च आया ऐ जिसलै अमरीका नै क्यूबा पर सख्त ईंधन नाकाबंदी लागू करी रखी दी ऐ। व्हाईट हाउस दे बाहर पत्रकारें कन्नै गल्ल करदे होई ट्रम्प होरें आखेआ जे अमरीका- क्यूबा गी अपने इख्तेयार हेठ लेई सकदा ऐ पर एह दोस्ताना शर्ते पर होग। उ'नें आखेआ जे अमरीकी बदेश मंत्री मार्को रुबियो- क्यूबा दे नेताएं दे कन्नै उच्ची सतह दी गल्लबात करारदे न। राष्ट्रपति ट्रम्प होरें इब्बी आखेआ जे क्यूबा गंभीर आर्थिक संकट दा सामना करारदा ऐ कीजे उन्दा प्रशासन सख्त ईंधन नाकाबंदी दे राहें हवाना दी कम्युनिस्ट सरकार पर दबास बधा करदा ऐ। ट्रम्प होरें जनवरी महीने दे अखीरें च इक कार्यकारी हुकमै पर दस्तख्त करियें टापुं पर ईंधन नाकाबंदी लागू करी दिती ही। क्यूबा दे राष्ट्रपति होरें आखेआ ऐ जे उन्दा देश अमरीका कन्नै गल्लबात लेई तयार ऐ पर दबास हेठ कोई गल्लबात नैई कीती जाहग।



## HM -Bihar Meeting

केन्द्री गृहमंत्री अमित शाह होरें कल्ल बिहार च भारत -नेपाल बन्ने कन्नै लग्गदे जिलें च सुरक्षा सरबन्धी मुद्दें बारे लग्गी दी इक्क उच्च स्तरती मीटिंग दी प्रधानता कीती। सूत्रें मुताबक इस मीटिंग च बन्ने मुत्तलक प्रबंधन गी मजबूत करने ते गैर-कनूनी गतिविधियें दी निगरानी बदाने दी जरुरतें पर सोच-विचार कीता गेआ। इस दौरान बन्ने आहले इलाकें च गैर-कनूनी निर्माण- भारती करसी दे जाली नोट- नजैज कब्जे ते होरनें मसलें कन्नै निबड़ने लई तालमेल बदाने पर जोर दिता गेआ। गृहमंत्री होरें खास करियें जंगलात आहली ज़िमी पर गैर - कनूनी निर्माण गी उक्का बी बर्दाश्त नैई करने दी नीति दा सख्ती कन्नै पालन करने दे निर्देश दिते।



## Cricket

मर्दे दे आई.सी.सी. टी-20 क्रिकेट विश्व कप च इंग्लैंड नै कल रातीं कोलम्बो च खेडटे गेदे सुपर -8 दे ग्रुप-2 दे मुकाबलें च न्यूजीलैंड गी 4 विकेटें कन्नै हराई दिता। 161 रन्जें दे लक्ष्य इंग्लैंड नै 19 ओवरें ते 3 गेंदें च 6 विकेटां मुहाइयै हासल करी लैता। पैहले बल्लेबाजी करदे होई न्यूजीलैंड नै 7 विकेटें पर 159 रन्ज बनाए। विश्व कप प्रतियोगिता च अज्ज सुपर-8 दे ग्रुप-2 च गै पाकिस्तान दा मुकाबला श्रीलंका कन्नै होग। श्रीलंका अपने 2 मैच हारियै पैहले गै सैमीफाईनल दी द्रौड शा बाहर होई गेदा ऐ जिसैल के पाकिस्तान दे सुपर-8 दे दंऊ मुकाबले चा इक ड्रा रेहा हा ते दुए च पाकिस्तान गी हार झल्लनी पेई ही- जेकर अज्ज पाकिस्तान श्रीलंका गी बड्डे फर्क कन्नै हराने च कामयाब होई जंदा ऐ तां ओहदे लेई सैमीफाईनल दा रस्ता खुल्ली सकदा ऐ। तौंआई सुपर-8 दे अपने खीरी मुकाबले च कल कोलकाता दे ईडन गार्डन च भारत दा मुकाबला वैस्ट ईंडिज कन्नै होग। सैमीफाईनल च पुज्जने आस्तै भारत गी हर हाल च वेस्ट इंडिज गी हराना गै होग। विश्व कप दे सैमीफाईनल 4 ते 5 मार्च गी खेडटे जागंन। जिसलै के फाईनल मुकाबला 8 मार्च गी होग।

<><><><><><>

#### **CM Ranji Trophy (Byte)**

जम्मू-कश्मीर दी क्रिकेट टीम रणजी ट्रॉफी दे फाईनल च अपने शानदार प्रदर्शन दी बढौलत इतिहास रचने दी कगार पर ऐ। तेज गेंदबाज आकिब नबी नै पैहली पारी च 54 रन्ज देइयै 5 विकेटां लैतियां/ जेदे कन्नै सीज़न च उ'नै 7मीं बारी एह कारनामा हासल कीता। अपनी पैहली पारी च कर्नाटक दी टीम 293 रन्जें पर आउट होई गेई/ जेदे नै जम्मू-कश्मीर गी 291 रन्ज दी बढत हासल होई गेई। अपनी दूई पारी च चौथे दिन दा खेड्ड खत्म होने तगर जम्मू-कश्मीर नै 4 विकेटें दे नुकसान पर 186 रन्ज बनाई लैदे हे। सलामी बल्लेबाजी 94 रन्ज दी शानदार पारी खेडियै अजें नाबाद ना। तौंआई मुख्मंत्री उमर अब्दुल्ला होर खिताबी मुकाबले दे खीरी रोज टीम दा समर्थन करने लेई कल शामी'लै कर्नाटक दे हुबली च पुज्जे। मीडिया कन्नै गल्लबात करदे होई मुख्मंत्री होरें आखेआ

<><><><><><>

**Read by** : **Vijay Bajaj**  
**Stand by** : **Naresh Sharma**  
**D.E.O.** : **Rajni Devi**  
**Skilled** : **Rajat Paul**  
**Editor** : **Abhilasha Sharma**